

COMUN DA SAN MARTIN: Al vëgn indô formé na gradatöra por l'assegnaziun de terac da fabriché alisiré. La domanda é da dé jö te secretariat de comun cina ai 31.05.19. Formulars y Informaziuns é da ciafé tl secretariat de comun.

Racoiüda dl refodam da tosser en lönesc, ai 20 de ma, dales 11.00, a San Martin dan le magazin di stödafüch (l'ater iade pormó al 1 de messé, ince a Lungiarü).

SAN MARTIN Y LUNGIARÜ

Por chëstes jones y chisc jogn
da San Martin: Aylin Bacher, Elias Clara, Aylin Costabiei, Alyssa Bassutti, Denise Ferdigg, Sara Ferdigg, Sara Gasser, Anna Planker, Emely Wasserer, Josef Planatscher, Melanie Soppelsa, Maicol Tschaffert, Romina Videsott, Dominik Mühlmann, Lukas Pramstaller y Thomas Verginer,
y da Lungiarü: Denise Clara, Giada Rungger, Sara Chiusura, Alanis Massa, Sofia Clara, Lea Mischì y Karen Sorà
che vá incö a confermé süa fede dan dal rapresentant dl Vësko, siur Eugen Runggaldier, periunse che Chël Bel Dî implëscs sù cörs cun l'amur, l'entusiasmo y la forza de so Spirit Sant y i accompagnëies sön so tru por döta la vita.

Confesciuns sö Oies en vëndres cun siur degan Iaco Willeit dales 16.30 ales 18.00.

SAN MARTIN

I Stödafüch da San Martin lascia alsavëi en sabeda, ai 25 de ma, vëgnel controlé dales 08.30 ales 10.30 i destodadus da polber (Pulverlöscher) tl magazin di stödafüch da San Martin.

La Uniun dles Ères mët a jí n iade por sanc a Weißenstein en vëndres, ai 31 de ma, a chël che düc, ëi y ères é bel inviä. I piun ia da San Martin cun na coriera dales 7.30 y rovun a Weißenstein olach'i s'abinun ala Messa dales 10.00. Dedö junse a Montan olach'al s'aspeta na buna marëna y i rovarun indo a San Martin incer les 17.00. Prenotesse cina le vëndres, ai 24 de ma, pro Rosa 320 37 15 113 o Margareth 339 31 15 679.

LUNGIARÜ

Comun: En sabeda, ai 25 de ma, vëgnel tigní a Lungiarü dales 10.00, tl salf dles manifestaziuns na picia festa de inaudaziun dl salf nü dles manifestaziuns y di locai nüs dles uniuns tl fabricat dla scora y dl local nü di jogn tla zona sportiva da Lungiarü. Düc é bel inviä.

Cun ligrëza inviëia la Musiga da San Martin düc i amanc dla musiga al concert d'aisciöda en sabeda, al 1 de jügn, dales 20.00, tl gran salf a San Martin.

Chi che foss interessá da ti vëne lëgna al implant de telescialdamënt d'Antermëia vëgn bel peria da contaté l'Ofize dla SEA a San Martin (0474 524 069) por s'acordé sön les formalités y condiziuns. Por i mëmbri dla SEA S.C. vëgnel paíé (cina ai 31.12.2019) 45 euro/m³ y por chi che n'é nia mëmbri dla SEA S.C. vëgnel paíé (cina ai 31.12.2019) 42 euro/m³.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

19.05. – 26.05.19 nr. 25

ultimo termo por comunicaziuns: jöbia dales 20.00

radio: 90,40 / 93,70

5ª DOMÈNIA DE PASCA – C

Vangele do Jan 13,31-33a.34-35

Te chël tēmp
canche Iüda s'un ê jü fora, à Gejù dit:
Šëgn é le Fi dl Om glorifiché,
y Idî é glorifiché te ël.
Sce Idî é glorifiché te ël,
saral ince Idî che le glorificarà
te sè instës y al le glorificarà defata.
Mi mituns, i sun mâ plü püch pro os.
N comandamënt nü ves dà:
Oresse bun un al ater!
Sciöche iö ves à orü bun,
insciö desses ince os s'orëi bun.
A chësc conesciarà düc ch'i sëis
mi discepu: sc'i s'orëis bun un al ater.



Gejù dij pordërt dër püch da mëte man so descurs de comié da sù discepu.

Al dij: "Oresse bun un al ater!" cun n punt estlamatif.

Tla parora "amur" sozedel la gloria de Chël Bel Dî sciöch'ara é sozedüda te Gejù.

Canche Gejù s'un vá demez da d'ëi, resta indô tl amur la presënza de Dî.


*L'amur n'é nia ma glorius, mo al glorifichëia ince Idî tl monn,
te chël che Gejù é gnü y da chël ch'al s'un vá indô.*

*Ci che romagn é l'amur. Te vigni amur él Chël Bel Dî,
sides tl amur ch'an sint por porones a chëres ch'an é liades a val' manira,
sides tl amur ch'an sint por le vijin o por le forest,
sides tl sorvisc ch'an ti fej a zacai.*

Chël che dëida sö na porsona desmostra la gloria de Dî.

*Ince sce l'amur vëgn atualisé sciöche n sorvisc scëmpl da vigni de,
él na pert dl amur de Dî tl monn.*

I n'orun madër nia ponsé che l'amur ne veles nia gran tröp.

	SAN MARTIN	LUNGIARÜ	Dî, Pere de dōta la jënt. I te periun por chi che vá incö a confermé. Scinchi to Spirit Sant, ch'al svilupëies te ëi sües bunes cualités, ch'ai crësces tla fede en té, tla speranza te n bun dagní y tl amur por la jënt incër ëi ia. Dëidi da porté ligrëza tla familia, tla scora y te súa compagna. Dëidi da porté ite entusiasim jonn tla Dlijia y da adoré sües facúltés por le bëgn tl monn.  Bun Dî, dái vōia y ligrëza da vire y te so daite la forza da afrunté les dificultés, les soferënzes y les delujiuns tla vita. Sideste por ëi te chisc momënc n compagn fedel. Renforza chi che acompagnëia inant nüsce confermanc por so tru. Fá crësce nosta comunité tla fede y tl'animaziun por te, che i jogn y les jones che vëgn docá se lasces trá da nosta conviziun y da nosta testimonianza tla fedelté a Gejú Crist. Amen.
19.05.19 5ª DOMÈNIA DE PASCA - C	7.45 Corona 8.15 Gran Mëssa dla Comunité 19.30 Corona de ma sō Ju	Festa dla Confermaziun 9.30 Ingres dala plaza dla scora Confermaziun cun siur Eug. Runggaldier, siur Iaco Ploner y siur Paul Campeì di Cresimanc da San Martin, Lungiarü y Antermëia - Eucaristia 15.00 Corona tla capela de S. Ujöp	
20.05.19 Lönesc <i>Elfriede, Valeria</i>	19.30 Corona de ma a Picolin	20.00 Corona tla capela de S. Ujöp	
21.05.19 Dedolönesc <i>Hermann Josef</i>	15.30 Mëssa it'a Bioch ++ Frenner, Bioch + Siegfried Penazzi por les Animes	15.30 Mëssa it'a Bioch	
22.05.19 Dedemesaledema <i>Rita da Cascia, Renata</i>	19.30 Corona de ma a Bioch 20.00 Corona de ma sō Frëina	7.30 Mëssa dedô Corona de ma en onur de siur Heinrich Videsott + siur Fonjo Clara por les Animes 9.00 Confesciun di Neocomunicanc	
23.05.19 Jöbia <i>De d'oraziun por la Dlijia tla Cina</i> <i>Berto, Desider</i>	7.30 Mëssa + Sepl Nagler + Ida Flöss + Pire Ploner, Ju Corona por vocaziuns	19.30 Corona de ma fora dala Grota	
24.05.19 Vëndres <i>Santa Maria dal Aiüt, Ester</i>	18.30 Adoraziun chîta y confesciuns 19.00 Adoraziun dl tēmp de Pasca	7.30 Mëssa ++ Sepl y Tarejia Dejaco 8.30 Proa por la Pröma Comuniun	
25.05.19 Sabeda <i>Beda, Gregöre</i>	13.00 Noza de Maria Dolores Ploner y Mateo Clara 15.30 Mëssa tla Ciasa de Palsa 18.30 Mëssa prefestia dl ann + Sciandro Trebo, Tasser + Pire Unterweger, + Otto Ploner + Rinaldo Costabiei	10.00 Inaudaziun dl salf dla scora 20.00 Mëssa prefestia por fam. de Albina Mischi, Pecëi dl ann + Rudi Moling	
26.05.19 6ª DOMÈNIA DE PASCA - C	7.45 Corona 8.15 Gran Mëssa dla Comunité 19.30 Corona de ma sō Ju	Festa dla Pröma Comuniun 9.30 Ingres te dljia Mëssa dla comunité cun Pröma Comuniun 15.00 Corona tla capela de S. Ujöp Fr.	